

Drangás ehf.  
Kt: 640423-0480  
Klettási 25  
260 Reykjanesbær

Akureyri, 22.04.2026  
Tilv. 2026-01-16-0212

## **Efni: Svipting. Skil á aflaupplýsingum. Strandveiðar. Geiri litli ST – 60 (6784)**

Fiskistofa hefur lokið meðferð máls er varðar brot skipstjórnanda bátsins Geira litla ST - 60, skipaskrárnúmer 6784, vegna vanskila á aflaupplýsingum í 14 strandveiðiferðum á strandveiðivertíðvertíð 2025 (hér á eftir „vertíðinni“), gegn reglugerð um skráningu og skil aflaupplýsinga nr. 307/2023 og lögum um umgengni um nytjastofna sjávar nr. 57/1996.

### **I. Málsvik**

Samkvæmt gögnum Fiskistofu um skil á aflaupplýsingum hefur skipstjórnandi bátsins Geira litla ST – 60 (6784) ekki skilað aflaupplýsingum stafrænt til Fiskistofu áður en bátum var lagt að bryggju í löndunarhöfn að loknum strandveiðiferðum eftirfarandi daga á vertíðinni:

<b>Skráð vanskil aflaupplýsinga</b>		
5.5.2025	15.5.2025	10.7.2025
6.5.2025	20.5.2025	14.7.2025
8.5.2025	30.6.2025	15.7.2025
13.5.2025	7.7.2025	16.7.2025
14.5.2025	9.7.2025	

Af þeim sökum er skipstjórnandi bátsins grunaður um að hafa brotið gegn 2. mgr. 1. gr. og 4. gr. reglugerðar nr. 307/2023 og 4. mgr. 9. gr. laga nr. 57/1996. Skráð vanskil voru í 14 strandveiðiferðum bátsins á vertíðinni, þ.e. í 50% strandveiðiferða.

Fiskistofa leiðbeindi útgerð bátsins um skil á aflaupplýsingum með bréfum dags, 19.5.2025, 23.5.2025, 7.7.2025, 14.7.2025 og 21.7.2025 vegna framangreindra vanskila.

### **II. Lagagrundvöllur**

Skráning og skil á aflaupplýsingum á strandveiðum fer eftir ákvæðum laga nr. 57/1996 og reglugerðar nr. 307/2023, samkvæmt 8. og 5. tölul. 1. mgr. 5. gr. reglugerðar nr. 460/2024, sbr. 2. málsl. 6. tölul. 6. mgr. 6. gr. a. laga nr. 116/2006.

Skipstjórnandi skal senda aflaupplýsingar stafrænt til Fiskistofu í samræmi við 3. gr. reglugerðar nr. 307/2023 áður en bát er lagt að bryggju í löndunarhöfn að lokinni veiðiferð samkvæmt 2. mgr. 1. gr. og 4. gr. reglugerðar nr. 307/2023 og 4. mgr. 9. gr. laga nr. 57/1996.

Brot gegn reglugerð nr. 307/2023 og lögum nr. 57/1996 og 116/2006 geta varðað stjórnarsýsluviðurlögum, þ.e. skriflegri áminningu eða sviptingu leyfis til strandveiða samkvæmt 15. gr. laga nr. 57/1996 og 24. gr. laga nr. 116/2006, sbr. 1. mgr. 7. gr. reglugerðar nr. 307/2023.

### III. Athugasemdir málsaðila

Með bréfi Fiskistofu, dags. 17. mars 2026, var málsaðila tilkynnt um að málið hafi verið tekið til meðferðar, málsatvikum lýst, honum leiðbeint um lagaatriði og gefinn kostur á að koma andmælum og athugasemdum á framfæri áður en afstaða yrði tekin til þess hvort brot hafi verið framið og eftir atvikum hvort beita ætti viðurlögum. Var málsaðila veitt tækifæri til að leggja fram athugasemdir og andmæli vegna málsins til og með 31. mars 2026.

Í athugasemdum sem bárust þann 17. mars 2026 eru ekki gerðar athugasemdir við framangreind málsatvik. Gerð er grein fyrir tæknilegum örðuleikum sem hafa að gera með aflaskráningarhugbúnað og slæmri nettengingu.

### IV. Niðurstaða og rökstuðningur

Fyrir liggur að skipstjórnandi bátsins Geira litla ST – 60 (6784) skilaði ekki aflaupplýsingum stafrænt til Fiskistofu áður en bát var lagt að bryggju í löndunarhöfn að loknum strandveiðiferðum eftirfarandi daga á vertíðinni:

Vanskil aflaupplýsinga		
5.5.2025	15.5.2025	10.7.2025
6.5.2025	20.5.2025	14.7.2025
8.5.2025	30.6.2025	15.7.2025
13.5.2025	7.7.2025	16.7.2025
14.5.2025	9.7.2025	

Aflaupplýsingar bárust ekki fyrir framangreindar strandveiðiferðir. Af þeim sökum voru skil skipstjórnaða bátsins Geira litla ST – 60 (6784) ófullnægjandi í 14 af 28 strandveiðiferðum á vertíðinni, þ.e. í 50% strandveiðiferða.

**Með því að skila ekki aflaupplýsingum til Fiskistofu fyrir 14 af 28 strandveiðiferðum á strandveiðivertíðinni 2025, braut skipstjórnandi bátsins Geira litla ST – 60, skipaskrárnúmer 6784, gegn 2. mgr. 1. gr. og 4. gr. reglugerðar nr. 307/2023 og 4. mgr. 9. gr. laga nr. 57/1996.**

Ákvæði 24. gr. laga nr. 116/2006, sbr. 15. gr. laga nr. 57/1996, mæla fyrir um að Fiskistofa skuli veita hlutaðeigandi útgerð áminningu eða svipta bát leyfi til strandveiða, fyrir brot á lögum eða reglum settum samkvæmt þeim. Við mat á því hvort brot teljist minniháttar eður ei er litið til þess hvort brot hafi í för með sér umtalsverðan ávinning fyrir hlutaðeigandi útgerð og/eða tengda aðila, hversu mikilvægum hagsmunum brot ógnar og hvort það hefur verið framið af ásetningi eða gáleysi. Með hliðsjón af meðalhófsreglu stjórnsýsluréttarins er auk þess litið til fjölda ófullnægjandi skila þ. á m vanskila, hlutfall þeirra á móti löndunum á vertíðinni, heildaraflamagns og fjölda landana. Vanskil voru fyrir 50% strandveiðiferða á vertíðinni þ.e. í 14 af 28 veiðiferðum.

Að mati Fiskistofu verður ekki séð að brotið hafi í för með sér verulegan fjárhagslegan ávinning.

Brotið ógnar hagsmunum tengdum rekstri og trúverðugleika fiskveiðistjórnunarkerfisins. Auk þess kann brotið að ógna hagsmunum tengdum eftirliti með fiskveiðum, vísindalegri rannsókn á lífríki sjávar sem og aðgengi að alþjóðlegum mörkuðum.

Við mat á saknæmisstigi brots ber að líta til háttsemi skipstjórnanda. Á skipstjórnanda hvílir sú starfsskylda að skila aflaupplýsingum til Fiskistofu stafrænt áður en veiðiferð lýkur. Strangara saknæmismat lýtur að skipstjórnanda sem sérfræðingi í ljósi stöðu hans og þekkingar, en gera verður þá kröfu til skipstjórnarmanna að þeir þekki lög og reglur er snúa að veiðum og sérstaklega snerta atvinnu þeirra, þ. m. t. um skil á aflaupplýsingum. Við mat á því hvort skipstjórnandi hafi innt af hendi starfsskyldu sína í samræmi við það sem af honum mátti ætlast er athugað hvort hann hafi við framkvæmd starfa sinna farið eftir gildandi háttæmisreglum um skil á aflaupplýsingum og starfsaðferðum sem „*góður og gegn skipstjórnandi*“ myndi fylgja miðað við aðstæður hverju sinni. Vanskil voru hjá skipstjórnanda bátsins Geira litla ST – 60 (6784) í 14 af 28 strandveiðiferðum á vertíðinni þrátt fyrir ítrekaðar leiðbeiningar Fiskistofu um skil á aflaupplýsingum sem aðgengilegar voru í pósthólfi útgerðar á Ísland.is. Að mati Fiskistofu vanrækti skipstjórnandi Geira litla ST – 60 (6784) starfsskyldu sína með saknæmum hætti.

Að teknu tilliti til eðlis og umfangs brotsins og alls þess sem að framan hefur verið rakið er það mat Fiskistofu að brotið teljist meiriháttar. Af þeim sökum komi áminning ekki til álita. Að mati Fiskistofu þykja hæfileg viðurlög, með hliðsjón af meðalhófsreglu stjórnsýsluréttar, vegna brotsins vera svipting leyfis til strandveiða í tvær vikur.

Málsaðili ber ábyrgð á að verklag skipstjórnanda, í starfi hjá honum, við skráningu og skil á aflaupplýsingum samræmist gildandi lögum og reglum.

**Fiskistofa sviptir hér með bátinn Geira litla ST – 60, skipaskrárnúmer 6784, leyfi til strandveiða í tvær vikur (14 daga) frá og með gildistöku næsta strandveiðileyfis bundið við bátinn, samkvæmt 1 og 2. mgr. 15. gr. laga nr. 57/1996 og 24. gr. laga nr. 116/2006, sbr. 7. gr. reglugerðar nr. 307/2023, vegna brota skipstjórnanda gegn 2. mgr. 1. gr. og 4. gr. reglugerðar nr. 307/2023 og 4. mgr. 9. gr. laga nr. 57/1996.**

Ákvörðunin hefur ítrekunaráhrif í tvö ár frá og með dagsetningu ákvörðunar skv. 19. gr. laga nr. 57/1996.

